

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KTK 0038659 19  
Zenica, 10.06.2019. godine

OPĆINSKOM SUDU U TEŠNJU  
-Sudiji za prethodno saslušanje-  
TEŠANJ

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ž N I C U

Protiv

Kovač Sulejmana, zv. „Suljo“, iz Zenice, neosuđivan,

što je:

kao odgovorna osoba, u svojstvu člana ispitne Komisije za vozače motornih vozila Ze-do kantona, u kojem svojstvu je ovlašten Poslovníkom o radu ispitnih komisija za vozače motornih vozila u Ze-do kantonu broj 10-02-13958/17 od 12.10.2017. godine i to članom 2. kojim je propisano da ispitne komisije provode ispit za vozače motornih vozila i provjeru znanja u ispitnim mjestima na području Ze-do kantona,

na ispitnom mjestu u Tešnju, u okviru svoje službene funkcije, učinio što ne bi smio učiniti, suprotno odredbama člana 19. stav 2. tačka a) Uputstva o načinu rada ispitne komisije za vozača motornih vozila Ze-do kantona i člana 23. stav 2. tačka a) Uputstva o formiranju i organizaciji ispitnih komisija za vozače motornih vozila, koji propisuju da je u izvršavanju povjerenih poslova član komisije obavezan sprečavati i suzdržavati se od zloupotrebe položaja u komisiji u korist ličnog interesa, tako što je

- a) Dana 01.09.2018. godine, u toku polaganja praktičnog dijela vozačkog ispita – vožnje kandidata R. M., po prethodnom dogovoru sa njegovim instruktorom A. K., koji je bio u vozilu zajedno sa svojim kandidatom, primio dar u vidu novca za sebe u iznosu od 100 KM kao protuuslugu za uspješno polaganje vozačkog ispita navedenom kandidatu, tako što je navedeni novac primio od instruktora koji je on stavio u dokumentaciju koju mu je predao, a koji je prethodno R. M. dao instruktoru, nakon čega je, po završetku vožnje, konstatovao da je M. položio vozački ispit i to evidentirao u Zapisnik o polaganju ispita za vozača motornog vozila “B” kategorije,

b) Dana 30.03.2019. godine, u toku polaganja praktičnog dijela vozačkog ispita kandidata M. A., po prethodnom dogovoru sa njenim instruktorom A. K., koji je bio u vozilu zajedno sa svojim kandidatom, primio novac za sebe u iznosu od 150 KM kao protuuslugu za uspješno polaganje vozačkog ispita navedenoj kandidatkinji, tako što je, dok je ista upravljala motornim vozilom, od navedenog instruktora primio navedeni iznos novca koji mu je ovaj dao na način da je pružio svoju desnu ruku iza sjedišta na kojem je sjedio u kojoj je bio novac, koji je navedena kandidatkinja prethodno dala svom instruktoru u svrhu osiguranja uspješnog polaganja navedenog ispita, nakon čega je konstatovao da je A. položila vozački ispit i to evidentirao u Zapisnik o polaganju ispita za vozača motornog vozila "B" kategorije

dakle, kao odgovorna osoba u Federaciji BiH primio novac za sebe kako bi u okviru svoje funkcije učinio što ne bi smio učiniti,

čime je počinio produženo krivično djelo primanje dara i drugih oblika koristi iz člana 380. stav 1. KZ F BiH u vezi sa članom 55. KZ FBiH,